


聖



中吳紀聞卷第二

姚氏三瑞堂

闔門之西有姚氏園亭頗足雅致姚名淳家世業儒東坡先生往來必憩焉姚氏素以孝稱所居有三瑞堂東坡嘗爲賦詩云君不見董召南隱居行義孝且慈天公亦恐無人知故令雞狗相哺兒又令韓老爲作詩爾來三百年名與淮水東南馳此人世不乏此事亦時有楓橋三瑞皆目見天意宛在虞鰥後惟有此詩非昔人君

是字當有

在抄作然

更往求無價手東坡未作此詩姚以千文遺之東坡答簡岳惠及千文荷雅意之厚法書固人所共好而某方欲省緣除長物舊有者猶欲去之又況復收邪固卻而不受此詩既作之後姚復致香爲惠東坡於虎丘通老簡尾云姚君篤善好事其意極可嘉然不須以物見遺惠香八十罐却託還之已領其厚意與收留無異實爲它相識所惠皆不畱故也切爲多致此懇予家藏三瑞堂石刻每讀至此則歎美東坡之清德

誠不可及也

丁氏賢惠錄

丁氏賢惠錄安定先生文蘇子美書丁氏乃晉公之女弟陳君子之母也封長安縣君賢行甚著晉公鍾愛其甥欲官之丁氏固辭俾其以學術進晉公竦然稱歎已而同其弟維登進士科觀此足以知夫人之賢矣

里人張紳世與陳舊其婦婉而沒夫人祿其嬰歸付乳媪親加拊視能言而還之相兄旣

南謫家日淪困有姝孫女幼孤夫人訓育篤於己生及歸馮氏子婦式閑淑甚宜家其時工部黃郎中宗旦守蘇聞而謂人曰茲事可書于史

張文定公知崑山

張文定公方平景祐中宰崑山時蔣堂侍郎爲郡守得公著芻蕘論三十篇上之因舉爲賢良公知崑山時吳越歸國未甚久郡邑地曠民占田無紀歲遠多侵越訟數十年不能決公召問所輸租稅幾何大約百一二悉收其餘以賦貧民自是無訟

傳燈錄

永安禪院僧道元纂佛祖訖近世名儒禪語爲傳燈錄三十卷以獻祥符中詔翰林學士楊億知制誥李維太常丞王曙刊定刻板宣布

曾大父

曾大父諱宗元字會之自幼穎悟絕人讀書於虎丘寺晝夜不絕舉進士爲鄉里首選繼登天

聖五年第主杭州仁和簿時范文正公爲帥改容禮之曰公器業清修他日必爲令器謹勿因人以進曾大父敬服其訓高祖旣抱疾因乞便親移吳縣簿後以居憂服闋調建安尉藹有稱聲保任者二十有二章召見改大理寺丞知句容縣發摘姦伏政如神明藥道卿內翰時開府金陵甚爲之前席楊紘持使節行部號爲深酷吏望風投劾而去紘過境上獨不入縣或問其故紘曰龔君治民所至有聲吾往徒爲擾耳其

見重如此自登朝未嘗游公卿之門皆文正公之教也士論美之嘗通判衢越二州終都官員外郎葬南峰山有文集十卷號武丘居士遺藁子程孫况俱擢第曾大父善作詩嘗有六月吟云曦輪獵野枯杉松火焚秦華雲如峰天地爐中赤煙起江湖煦沫烹魚龍生獰渴獸脣焦斷峻翻無聲落晴漢飢民逃生不逃熱血迸背皮流若汗玉宇清宮徹羅綺渴嚼冰壺森貝齒炎風隔斷真珠簾池口金龍吐寒水象床珍篔凝

垂抄作華

管字係換韻是
爐麝是

翅抄作羽

流波瓊樓待月微酣歌王孫晝夜縱娛樂不知
苦熱還如何夜宴詩云兔魄侵堦夜三刻蜀錦
堆香花院窄風動簾旌玳瑁寒露垂蟲網珍珠
白美人正席羅絃管綺幄雲屏爐麝暖只恐金
壺漏水空不怕鸞觴琥珀滿勸君莫負秉燭游
曾見古人傷晝短贈處士林逋詩云高蹈遺塵
蛻含華傲素園璜溪頻下釣蕙帳不驚猿養浩
時清肅忘機只寓言幾回生蝶翅明月在西軒
送陳君子之四明詩云短亭祖帳接平川柳拂

袖抄作軸

回波繫画船漸向落暉分繡袖忍聽離曲怨鷗
絃雲連稽嶺應懷古路近桃源好訪仙那更憑
高望天際江堤烟重草綿綿搗砧詞云星游耿
耿寒煙浮白龍銜月臨霜樓誰家砧弄細腰杵
一聲搗破江城秋雙桐老翠墮金井高低冷逐
西風緊靜如秋籟暗穿雲天半驚鴻斷斜影哀
音散落愁人耳何處離情充喚起長信宮中葉
滿堦洞庭湖上波平水萬里征衣眠未成搖風
搗月何丁丁楚關秦嶺有歸客一枕夜長無限

承或非此構時
懸憶如此結句一
枕夜長無限情
政與眠未成對照

情曾大父嘗以所業投范文正文正文曰子之文
溫厚和平而不乏正氣似其爲人也世以爲確
論云

婁侯

崑山乃古之婁縣今縣之東北三里有一聚落
尚以婁縣爲名或云在漢爲繆後避錢王諱改
今名予攷三國志張昭拜輔吳將軍封婁侯則
縣之爲婁舊矣漢書云改於王莽時

滕章敏公

滕元發名甫避高魯王諱以字爲名更字達道
九歲能賦詩敏捷過人范文正文之父爲諸舅見
而奇之教以爲文正文爲鄉郡而安定胡先生
居於郡學公往從之門人以千數第其文常爲
首舉進士試于廷宋景文公奇其文擢爲第三
以聲韻不中程黜之其後八年復中第三通判
湖州時孫威敏公沔守錢塘一見曰後當爲賢
將授以治劇守邊之要召試學士院判吏部南
曹同修起居注知制誥知諫院王絢論宰相不

押班爲跋扈上以問公公曰宰相固有罪然以爲跋扈則臣以爲欺天陷人矣知開封府遷御史中丞抗論得失爲多出知秦州河朔地震壞城池廬舍命公爲安撫使還復知開封府除翰林學士出知鄆州移定州入覲力言新法之害至定虜人喪服上喜令再任詔曰寬嚴有體邊人安焉因作堂以安邊名之又上疏論新法徙青州畱守南都知蒲鄧二州坐累知安州侍郎韓丕旅殯於安五十年矣學士鄭獬安人也旣

沒十年貧不克葬公皆葬之以言者復貶筠州已而爲湖州哲宗卽位徙蘇揚二州除龍圖閣直學士復知鄆州歲方饑乞淮南米二十萬石爲備全活五萬人徙真定河東除龍圖閣學士復知揚州未至而卒年七十一贈左銀青光祿大夫諡曰章敏葬陽山公屢領帥權條畫皆有方議者謂近世名將無及公者朝廷雖知公之深而終不大用每進小人必讒之公嘗上章自訟有曰樂羊無辜謗書滿篋卽墨何罪毀言日

聞天下聞而悲之

滄浪亭

滄浪亭在郡學之東中吳軍節度使孫承祐之池館其後蘇子美得之爲錢不過四萬歐公詩所謂清風明月本無價可惜只賣四萬錢是也予家舊與章莊敏俱有其半今盡爲韓王所得矣

承祐本出教坊宋太宗實錄有傳

范文正公復姓

范文正公幼孤隨其母適朱氏因從其姓登第

時姓名乃朱說也後請于朝始復舊姓表中改用鄭準一聯云志在投秦入境遂稱於張祿名非伯越乘舟偶效於陶朱范蠡范睢事在文正用之尤爲切當今集中不載

鄭宣徽

鄭戩字天休居臯橋天聖初登進士第嘗知開封府發謫姪伏都下肅然遷三司使知樞密院俄以資政殿學士知杭州移鎮長安有表曰聽嚴宸之鐘鼓未卜何晨植勁柏於雪霜更觀晚

節上稱誦者數四謂左右曰戩氣質英豪朕欲用爲宰相故屢試於外也慶曆三年代范文正爲四路都招討元昊喪其威再知長安蕃酋部將遮道臥轍不得行六年移并州尋拜宣徽使奉國軍節度使未幾薨贈太尉謚文肅葬橫山

五柳堂

五柳堂者胡公通直所作也其宅乃陸魯望舊址所謂臨頓里者是也公諱稷言字正思兵部侍郎則之姝少學古文於宋景文又嘗獻時議

者字當有

於范文正晚從安定先生之學皆蒙愛獎後以特奏名拜官調晉陵尉歷主鄞縣簿山陰丞自度不能究其所施乃乞致仕陞朝之後仍賜緋衣銀魚公旣告老卽所居蔬圃鑿池種五柳以名其堂慕淵明之爲人賦詩者甚衆公自中年清修寡欲延納後進談論不少休日入後不飲食率以爲常或與客夜坐久不過具湯一杯而已年八十餘而終江諫議公望爲志其墓子嶧

中隱堂三老

曾大父自都官員外郎分司南京謝事家居居所
在大取白樂天大隱住朝市小隱入丘樊不如
作中隱隱在畱司間之詩建中隱堂與尚書屯
田員外郎程適太子中允陳之奇相與從游日
爲麥酒之樂至於窮夜而忘其歸二公皆耆德
碩儒致政於家吳人謂之三老

林氏儒學之盛

林氏本福清人徙居吳門有諱槩者嘗爲省試
第一登載國史儒學傳其子曰希且邵顏相繼

俱登科級希爲樞密諡文節且爲殿中侍御史
邵爲顯謨閣直學士諡文肅顏爲光祿卿希之
子虞中詞科且之子處亦登第邵之子攄賜出
身爲中書侍郎近世儒門之盛必推林氏云

國一禪師

國一禪師乃崑山圓明村朱氏子捨俗爲僧受
業於景德寺法名道欽因游歷叢林遇有一道
者語之云乘流而行遇徑而止旣至雙徑遂借
龍潭築菴其上卽開山之祖也事載塔銘云今

於字殊可省

薦嚴寺之西有以羅漢名橋者蓋指國一云

葉少卿

葉叅字少卿嘗守此郡既謝事因居焉其子清臣登禁從少卿猶及見之范文正公嘗贈之詩云退也天之道東南事了人風波拋舊路花月伴閑身湖外扁舟遠門中駟馬新心從今日泰家似昔時貧見子登西掖携孫過北隣白雲高閣曙綠水後池春尊酒呼前輩爐香叩上真只應陰德在八十富精神其居第在天慶之東中

標題作少卿乃其官此稱少卿其字

似抄本作以

有七檜堂內翰道卿嘗持本路漕節侍養道卿之子公乘又嘗守鄉郡搢紳榮之

於詩與祠部叔父唱和甚多其姪主簿公娶叔祖四朝議之女

善卷寺丞乃內翰之孫長

二游詩

吳之士有恩王府叅軍徐修矩者守世書萬卷酣飲於其間至日晏忘飲食又有前涇縣尉任晦其居有深林曲沼危亭幽砌皮日休嘗游二君宅每為浹旬之款篇章畱贈不一號二游詩安定先生

胡翼之本海陵人學者尊其道皆稱爲安定先生景祐中范文正公薦先生白衣對崇政殿贈祕書省校書郎文正上疏請建郡學首以先生爲吳興學官繼移此邦先生居學嚴條約以身先之雖大暑必公裳終日延見諸生以嚴師弟之禮解經有至要義愾愾爲諸生論其所以治己而治乎人者學徒千數日月刮劓爲文章皆傳經義必以理勝信其師說崇尚行實自後登科爲大儒者累世不絕如滕章敏范忠宣錢內翰醇老皆從先生之學者也至今學宮画像而祠之

蘇子美飲酒

子美豪放飲酒無算在婦翁杜正獻家每夕觀書以一斗爲率正獻深以爲疑使子弟密察之聞讀漢書張子房傳至良與客俱擊秦皇帝誤中副車遽撫案曰惜乎擊之不中遂滿引一大白又讀至良曰始自起下邳與上會於留此天以臣授陛下又撫案曰君臣相遇其難如此復

舉一大句正獻公知之大笑曰有如此下物一斗誠不爲多也

張伯玉郎中

張伯玉字公達嘗爲郡從事剛介有守文執甚高范文正公深愛之嘗舉以應制科舉詞云張某天賦才敏學窮閩與善言皇王之治博達古今之宜素蘊藹沖清節自處堪充應賢良方正能直言極諫科其應詔也又作上都行送之果中高選伯玉在蘇日述作並見蓬萊集

上方詩

唐孟郊因其父爲崑山尉常至山中題詩於上方云昨日到上方霞封石床錫杖莓苔青袈裟松柏香晴磬無短韻晝燈含永光有時乞鶴歸還放逍遙塲其後張祐嘗游亦有詩云寶殿依山險凌虛勢欲吞畫簷齊木末香砌壓雲根遠景窻中岫孤烟竹裏村凭高聊一望歸思隔吳門皇祐中王荆公以舒倅被旨來相水事到邑已深夜艤舟寺之前秉火炬登山閱寺中之

祐當作粘游亦二字當有李雁湖注荆公詩不見於吉元作據此尚可以補其闕云

霜翰指鶴則霜
字正相稱此從別
公集誤本作露非

詩一夕和竟三公之詩詰旦卽回棹其詩云僧
蹊蟠青蒼莓苔上秋牀霜翰飢更清風蘄遠亦
香埽石出古色洗松納空光久游不忍還迫迨
冠蓋塲峰嶺互出沒江湖相吐吞園林浮海角
臺殿擁山根百里見漁艇萬家藏水村地偏來
客少幽興祗桑門此四詩爲山中之絕唱

陳龍圖使高麗

陳睦字子雍嘉祐六年登進士科名在第二治
平中詔舉館閣才行之士子雍與劉絳李常寧

李清臣輩首被選擢熙寧元豐間高麗屢航海
修貢朝廷以爲恭選使往諭之初命林希子中
力辭更命睦睦卽日就道神宗大喜語輔臣曰
林希無親堅辭不行陳睦親在乃不憚於往因
出希知池州假睦起居舍人直昭文館特賜黃
金帶受命七日而行涉海踰月出入驚濤中遂
抵其國使還乃真拜所假官職且令服所賜金
帶又賜金盞於令式外以爲寵俄直龍圖閣知
潭州卒墓在南峰山二子彥文經仲嘗躋法從

日抄本作七

黃字已見上文殊
可省下

黃此字更不必增

彥武緯叔爲提舉官墓在南峯山

初林希樞密買卜於京師孟診爲作卦影畫紫袍金帶人對大水而哭林以高麗之役涉瀚海故力辭之後出知池州繼遭喪禍其驗不在彼而在此始知禍福不可避也

朱樂園先生

朱長文字伯原未冠擢進士第英聲振于士林元祐初充本州教授入朝除祕書省正字樞密院編修官後以疾解任退居于家所居在雍熙

寺之西號樂園坊地有高岡清池喬松壽檜先生以志不得達棲隱于中潛心古道篤意著述人莫敢稱其姓氏但曰樂園先生樂園在錢氏時號金谷方子通嘗有詩云吳門此園號金谷主人瀟洒能文章子通又嘗著樂園十詠一曰樂園二曰邃經堂三曰琴臺四曰墨池五曰魚溪六曰詠齋七曰灌園亭八曰見山岡九曰峨冠石十曰冽泉井常公安民常造先生隱居愛其趣識志尚灑然有異於人而惜其遺逸沈晦

因觀所著續圖經遂作序以紀之

海湧山

虎丘舊名海湧山闔閭王旣葬之後金精之氣化爲虎踞其墳故號虎丘山椒有二伽藍列爲東西白樂天有東武丘西武丘詩顏魯公亦云不到東西寺於今五十春今之西菴所謂西武丘也虎阜避唐諱改曰武

盧通議

盧革字仲華本德清人少竒穎舉神童年十六

伽抄本作茄

所謂是

擢進士乙科慶曆間知龔州時蠻人入寇桂管公經畫軍須以應辦聞歷婺泉二州除廣南提點刑獄福建湖南兩轉運使力請郡以自效神宗嘉之顧執政曰盧革恬退如此可與一佳郡遂除宣州未幾告老遷光祿卿致仕以子貴進祕書監太子賓客官制行改太中大夫哲宗踐阼遷通議大夫退居于吳十五年八十二卒子秉今盧提刑橋卽公所居之地也先殿院旣以散秩養痾日與賓客酌酒賦詩自娛公誠慤

痾抄作疴

前抄本作先

抄本無至五以下九字

莊重有前輩之風先殿院雅好其為人朝夕與之議論公性不甚飲每勸之酒至三分則起而拱手曰已三分矣至五分則曰已五分矣其他率以是應之既去先殿院審執事者皆曰客之言毫髮不妄由是益器重之

閶門樓詩

閶門舊有樓三間予猶及見之陸機吳趨行云閶門何峨峨飛閣跨通波重欒承游極回軒啓曲阿蘇子美詩云年華冉冉催人老雲物瀟瀟

又變秋家在鳳凰城下住江山何事苦相畱更建炎兵火不復存矣

章守子用皂蓋

元豐中章岷之弟朝議為郡守剛介不可屈人目之曰章硬頸其子出入用皂絹蓋肩輿不過二人

隨緣居士

黃策字子虛彥之子中進士乙科為雍丘縣主簿元符末詔許中外言事時昭慈既復位號典

章岷字伯鎮見本卷之字行抄本作因之曰疑當并有目字

冊有未盡正者因上書引古義力爭之崇寧初
 黨論起名人黨籍羈置登州會赦還鄉里遂休
 官號隨緣居士欽廟嘗書隨緣二字賜之藏宸
 翰於家著隨緣居士記書之於壁建炎中追錄
 黨人除直祕閣

公無疾端坐而逝葬光福山自
 題其墓曰隨緣居士之塔云

石點頭

今虎丘千人座旁有石點頭十道四蕃志云生
 公異僧竺道生也講經於此無信之者乃聚石
 為徒與譏至理石皆為點頭

軌革卦影

韓中孚字應天將游上庠聞市肆有精軌革術
 者應天筮之畫一金章紫綬人有賁色瓶在其
 旁復有一人處圓圈中術士謂之曰君此行未
 必到闕中途必為貴人所畱應天未之信行次
 南徐適朱行中龍圖為郡守與之厚善聞其來
 倒屣迎之延於郡圃朱平生愛一賁色酒壺因
 宴出示之圃中有草菴其狀甚圓應天寢於其
 間與卦影所画無一不驗以此知不惟飲啄前

抄本無小注字然
也 恐即秘色之訛

定雖受用之物寢處之地亦非偶然者賁色一作祕色

夢石天王像

後唐時慧聚寺有紹明律師僧中傑出者居半山彌勒閣一夕夢神人曰簷前古桐下有石天王像與銅鍾師宜知之詰旦掘其地果獲此二物今尚龕置壁間形製極古故前輩有詩云一
旦石像欲發現先垂景夢鳴高岡常熟破山恩
高僧嘗學于紹明見本朝僧史

改正洪範

抄本王作三月作
前皆訛

證字乃避廟諱
刻本不知而改

余薰字元輔方舍法欲行上書引成周事力贊
之因命以官累遷至正郎後復上書改洪範篇
自王省惟歲月之從星則以風雨乃屬之四五
紀一曰歲二曰月三曰日四曰星辰五曰曆數
之下謂之九疇皆有衍文惟四五紀無之至於
八庶徵之後既言肅時雨若止蒙常風若意已
斷矣而又加王省惟歲也下之文則近於贅或
者是其說然為臺諫所彈不果施行
范文正四子

文正四子純佑字天成純仁字堯夫純禮字彝
叟純粹字德孺長子少有大志惜乎享壽不遐
終軍器簿堯夫位丞相彝叟爲右丞德孺亦躋
法從平時文正喜收接名士如孫明復胡安定
之徒皆出其門朝夕與其子弟講論道德故賢
行成於所習云

林酒仙

國初時長洲縣東禪寺有僧曰遇賢姓林氏以
其飲酒無算且多靈異故鄉人謂之林酒仙口

中可容兩拳嘗醉於酒家每出群聚而觀之者
不絕能自圖其形無毫釐不相似好賦詩雖多
俗語中含理致然亦有清婉者如云楊子江頭
浪最深行人到此盡沉吟它時若向無波處還
似有波時用心門前綠樹無啼鳥庭下蒼苔有
落花聊與東風論箇事十分春色屬誰家心閑
增道氣忍事敵災屯謹言終少禍節儉勝求人
若此之類皆名言也真身塑寺中

章岷

章岷字伯鎮嘗爲平江軍推官文聲甚著與曾大父同登天聖五年第情好極密高祖殿院墓銘乃其所作也范文正公有和章岷從事鬪茶歌及同登承天寺竹閣詩

鮓魚

鮓廣韻吾灰切魚名似鮓集魚出吳中其狀似鮓韻吾回切魚名鯉之小者

鮓隋大業中吳郡嘗獻海鮓魚乾膾四年遂以分賜達官皮日休詩云因逢二老如相問正滯江南爲鮓魚

此小注非本文觀後引皮詩正滯江南爲鮓魚不作平聲請也

為抄作有

枯抄作祐

徐都官九老會

徐祐字受天擢進士第爲吏以清白著聲慶曆中屏居於吳日涉園廬以自適時葉公參亦退老于家同爲九老會晏元獻杜正獻皆寓詩以高其趣晏之首題云買得梧宮數畝秋便追黃綺作朋儔杜之卒章云如何九老人猶少應許東歸伴醉吟時與會者纔五人故杜詩及之享年七十有五終都官員外郎

梧抄作桐

士施昌言

此中吳九老會

中吳紀聞卷第二

虞山毛晉校刊 男辰再校



二、二

